

102

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B



玉海卷第一百二十八

浚儀王應麟伯厚甫

官制

儲官

訓導東宮事附

哈佛大學漢和
圖書館珍藏印

賈誼作保傅傳其言有曰天下之命繫於太子太子之善在於早喻教與選左右教得而左右正則太子正太子正而天下定矣此天下之至言萬世不可易之定論也至論教諭之方必以孝仁禮義為本而條目之詳至於容貌詞氣之微衣服器用之細纖悉曲折皆有法度一可一不可則史書之策

宰徹其膳而又有造善之旌諫言之才取諫之鼓
 瞽詩史書工誦箴諫士傳民語必使至於化與心
 成中道若性而猶不敢怠其選左右之法則有三
 公之尊有三少之親有道有充有弼有承上之必
 得周公太公召公史佚之流乃勝其任下之猶必
 取孝悌博聞有道術者不幸一有邪人廁其間則
 必逐而去之是以太子朝夕所與居處出入左右
 前後無非正人未嘗見一惡行此三代之君所以
 有道之長也當誼之時已病此法之不備然攷孝
 昭之詔猶知誦習誼之所言而不忘先王之意降

經官

及近世帝王教子之法益踈略矣

周三公三少 二傅 四輔

漢賈誼傳

新書大戴禮
保傅篇同

昔者成王幼在緇祿之中召

公為太保周公為太傅太公為太師保保其身體傅

傅之德義師道之教訓此三公之職也於是為置三

少皆上大夫也曰少保少傅少師是與太子宴者也

故乃孩提有識三公三少固明孝仁禮義以道習之

逐去邪人不使見惡行於是皆選天下之端士孝悌

博聞有道術者以衛翼之使與太子居處出入故太

子廼生而見正事聞正言行正意正前後皆正人

也及既冠成人免於保傅之嚴則有記過之史徹膳之宰云云文王世子凡三王教世子必以禮樂禮

樂交錯於中發形於外是故其成也懌恭敬而溫文

立太傅少傅以養之欲其知父子君臣之道也太傅

審父子君臣之道以示之少傅奉世子以觀大傅之

德行而審喻之大傅以身教少傅以言教大傅在前少傅在後在

時入則有保出則有師燕居出是以教喻而德成也

以有四人維持之師也者教之以事而喻諸德者也天下無身

德保也者謹其身而輔翼之而歸諸道也外之道

記曰虞夏商周有師保有疑丞設四輔及三公不必

經官

備唯其人語使能也君子曰德德成而教尊教尊而

官正官正而國治世子之記曰朝夕至于大寢之門

外云云大戴禮保傅篇明堂之位曰篤仁而好學

多聞而道順天子疑則問應而不窮者謂之道道者

導天子以道者也常立於前是周公也誠立而敢斷

輔善而相義者謂之充充者充天子之志也常立於

左是太公也絜廉而切直正過而諫邪者謂之弼弼

者弼天子之過者也常立於右是召公也博聞彊記

捷給而善對者謂之承承者承天子之遺忘者也常

立於後是史佚也故成王中立而聽則四聖維之

萬曆丁亥年

三

三

益生葉示王昇川

是以慮無失計舉無過事殷周之世父其輔翼天子
 有此具也注立道於前處承於後置充於左列弼於
 右順名義也道者有疑則問或謂之疑充者輔善或
 謂之輔通典太子師保二傳殷周已有太傅少
 後漢楊終傳禮制人君之子年八歲為置少傅教之
 書計以開其明十五置太傅教之經典以道其志
 樊準傳上疏曰賈誼有言人君不可以不學故雖成
 王賢王崇明師傅唐于志寧傳周誦并儲見正毛
 畢漢盈居震取資黃綺姬且抗法於伯禽賈生陳事
 於文帝莫不殷勤於端士懇切於正人

儲官

周世子齒於學 樂正 父師

文王世子仲尼曰昔者周公攝政踐阼而治抗世子
 法於伯禽使之與成王居欲令成王之知父子君臣
 長幼之義也行一物而三善皆得者唯世子而已其
 齒於學之謂也故世子齒於學國人觀之曰將君我
 而與我齒遜何也曰有父在則禮然然而衆知父子
 之道矣其二曰有君在則禮然然而衆著於君臣之
 義矣其三曰長長也然而衆知長幼之節矣父子君
 臣長幼之道得而國治語曰樂正司業父師司成一
 有元良萬國以正世子之謂也文王世子又云其登

文選王融曲水詩序入虎闈而函鼻李善注蔡邕

明堂月令論曰周官有門闈之學周禮諸子下大夫二

人掌國子之倅國有大事則帥國子而致於太子唯

所用之郊特牲天子之元子士也天下無生而貴

者也晉閻贛云按古典太子居以士禮與國人齒

周庶子官又見宗官類

燕義周天子之官有庶子官注庶子猶諸子也周禮諸子之官司馬之屬

職諸侯卿大夫士之庶子之卒掌戒令教治別其等

正其位國有大事則率國子而致於太子唯所用之

凡國之政事國子存游卒使之脩德學道春合諸學

儲官

秋合諸射以考其藝而進退之夏官諸子下大夫

二人注或曰庶子燕禮有庶子官疏天子謂之諸子

諸侯謂之庶子文王世子古者庶子之官治而邦

國有倫衆鄉方矣康誥外庶子訓人注在外掌衆

子之官主訓民者疏即周官云諸子文王世子云庶

子也以致教諸子故為訓人周禮諸子之官亦是王

朝之臣言在外者對父子兄弟為外惟舉庶子之官

者以其教訓公卿子弟最為急也鄭元以訓人為師

長

晉太傅 楚師保傅 者侯世子

萬曆丁亥年 監生金時宗刊

晉語羊舌肸習於春秋以為太傅公文公謂胥臣曰
 吾使陽處父傳驩也其能善之乎曰是在驩也昔文
 王在傅弗勤處師不煩事王不怒敬友二虢而惠慈
 二蔡及其即位也詢于八虞而咨于二虢度于閔天
 而謀于南宮諏于蔡原而訪于辛尹重之以周召畢
 榮是則文王匪專教誨之力也賈誼新書周文王使
太公望傅太子發
 楚語鍾儀曰其為太子也師保奉之以朝于嬰齊
 而夕于側也共莊王使士疊傅太子歲恭王曰賴子
 之善善之也對曰夫善在太子問於申叔時叔時曰
 教之春秋教之世教之詩禮樂教之令教之語教之

儲官

故志教之訓典教備而不從者非人也 秦亦有太
 子師傅 趙使周紹傅王子曰詩云立傅以行教少
 以學義之經也

漢太子太傅 少傅 家令 門大夫

先馬 中庶子 舍人 侍講 詹事

表太子太傅少傅古官屬官有太子門大夫庶子應

曰皆負五人秩六百石 燕禮獻庶子于阼階上注

世子之官也 史記號有中庶子秦中庶子蒙 環

濟要略曰庶子主宮中授八次八舍 先馬 張晏曰負

比詞者如淳曰前驅也國語 舍人 詹事 秦官 掌皇后

太子家有丞 秩應劭曰詹省也給也 王瓚曰茂陵書屬

萬曆丁亥年

二

二

監生金時中刊

官有太子率更家令丞僕中厠衛率厠廄長丞張晏曰太子

子稱家故曰家令臣贊曰茂陵中書家令秩八百石應劭曰中盾主周衛微道秩四百石如淳曰漢儀注

衛率主門衛秩千石師古曰掌知續志太子太傅

職掌輔導太子禮如師不領官屬選注引應劭漢官儀曰太子太傅

磨玉質宋志後漢省詹事太子官屬少傅二千石以

輔導為職悉主太子官屬漢官曰負門大夫六百石

漢官曰門大夫二職比郎將舊有左右戶將別主左

右戶直郎建武以來省之庶子四百石無負如三寺

中郎洗馬比六百石負十六人職如謁者太子出則

當直者在前三導威儀選郎中補與服志尚書陳忠

儲官

如謁者故皆服其服先帝之舊也舍人秩二百石無

門大夫冠兩梁進賢洗馬冠高山漢官曰十三人中庶子六

負更直宿衛如三寺郎中選良家子孫

百石五人職如侍中率更令一人一石主倉穀飲食職似司

更直職似光祿家令一人一石主倉穀飲食職似司

農少府晁錯傳注臣贊曰茂陵中僕一人千石主車

馬職如太僕中盾一人四百石主周衛微循哀帝由

為太子數遣中盾請衛率一人四百石主門衛廄長

問近臣注盾讀曰允一人四百石主倉穀食官

一人四百石主車馬倉令一人六百石主倉穀食官

令一人六百石主飲食並屬少傅凡初即位未有太

人不省領屬少府

太傅 叔孫通張相如石奮慶術經丙吉蕭望之

嚴彭祖疏廣卜式黃霸林尊師丹夏侯勝章元成

後漢張湛張佚王丹杜喬

少傅 留侯王臧疏廣受周堪張譚匡衡夏侯建

千秋後漢巨榮馬張興王丹

家令 晁錯疏受以賢良舉

洗馬 汲黯孝景時為太子洗馬以嚴見稱司馬安

中庶子 史丹元帝為太子時王商以肅敬稱馮野王金敞歐

陽地餘以書授太子劉軼且之子永平中

庶子 王生蕭育傅喜

舍人 周仁晁錯鄭當時公孫賀聞人通漢以舍人論

石董賢侯霸成帝時袁良平帝時淳于恭子孝肅宗時袁

敞黃瓊

詹事 宋畸竇嬰壺遂深中孔霸馬宮鄭莊韋賢

許商

門大夫 晁錯孟但廣川受易為太子門大夫金欽舉明經為門大夫

惠帝紀太子御驂乘賜爵五大夫舍人滿五歲二級

列傳張良上謂子房彊卧傳太子上欲易太子良

叔孫太傅諫不聽及宴置酒太子侍四人者從太

子年皆八十餘須眉皓白衣冠甚偉上迺驚曰煩公

萬曆丁亥年

三母表

監生于光列刊

幸卒調護太子吳張儼曰高祖初基引張良叔孫通出為師保入與朝政梁明山賓等

曰昔漢惠為太子高祖因教蕭曹張陳同吾時人皆加殊敬石奮文帝選可為

傳者皆推奮為太子太傅張敞孝文時以治刑名

侍太子晁錯受尚書伏生所詔以為太子舍人門

大夫遷博士上書言皇太子所讀書多矣而未深知

術數願擇聖人之術可用今世者以賜太子上善之

於是拜太子家令太子家號曰智囊服虔曰太子稱家疏

廣地節二年立皇太子選丙吉為太傅廣為少傅遷

傳平恩侯白使其第舜監護太子家上以問廣曰太

子國儲副師友必天下英俊不宜獨親外家且太子

儲官

自有太傅少傅官屬已備今復使舜護太子家視陋

非所以廣太子德於天下也上善其言順帝立太子居承光宮以

侍御史种 疏受以賢良舉為太子家令好禮恭謹

敏而有辭宣帝幸太子宫受迎謁應對及置酒宴奉

觴上壽辭理閒雅上甚驩說頃之拜為少傅太子每

朝因進見太傅在前少傅在後父子並為師傅朝廷

榮之在位五歲皇太子年十二通論語孝經遂上疏

乞骸骨歸觀者皆曰賢哉二大夫嚴彭祖遷太傅

廉直不事權貴蕭望之為太傅以論語禮服授皇

太子元帝詔曰國之將興尊師而重傅望之傅朕八

年道以經術厥功茂焉。周堪為少傅以孔霸為太
中大夫授太子。張敞元帝即位鄭朋薦敞先帝名
臣宜傳輔太子上以問蕭望之望之以敞非師傅之
器。王褒宣帝令褒等虞侍太子朝夕讀誦奇文
史丹元帝以丹舊臣皇考外屬詔丹護太子家贊曰
丹之輔道副主掩惡揚美雖宿儒達士無以加焉
儒林傳平帝時增元士之子得受業如弟子歲課乙
科二十人為太子舍人。表良平帝時舉明
經為太子舍人後傳班
彪建武十九年東宮初建師保多闕彪上言漢興太
宗使鼂錯道太子以法術賈誼教梁王以詩書及至

經官

中宗亦令劉向王褒蕭望之周堪之徒以文章儒學
保訓東宮以下莫不崇簡其人。就成德器今皇太子
雖結髮學問而傅相未值賢才宜博選名儒有威重
通政事者以為太子太傅東宮及諸王國備置官屬
舊制太子食湯沐十縣設周衛交戟五日一朝因坐
東箱省視膳食其非朝日使僕中允旦旦請問而已
明不喋黷廣其敬也。上納之。桓榮建武十九年顯
宗始立為皇太子。選求明經擢榮弟子豫章何湯為
虎賁中郎將以尚書授太子。世祖問湯本師為誰曰
沛國桓榮帝即召榮令說尚書甚善之拜為議郎賜

錢十萬使入授太子。帝常令榮止宿太子宮。積五年。榮薦門下生九江胡憲侍講。乃聽得出。旦一入而已。榮嘗病。太子朝夕遣中傅問病。後愈。復入侍講。二十八年。大會百官。詔問誰可傅太子者。皆言太子舅陰識可。博士張佚正色曰。今陛下立太子。為陰氏乎。為天下乎。帝稱善曰。置傅以輔太子也。今博士不難正朕。況太子乎。即拜佚為太子太傅。而以榮為少傅。賜以輜車乘馬。張興習梁丘易。永平十年。拜太子少傅。顯宗數訪問經術。桓焉。安帝永寧中。為太子少傅。贊曰。父子兄弟代作帝師。

漢授太子經 侍講

儒林傳武帝詔太子授公羊春秋。太子既通。復私問穀梁而善之。列傳蕭望之為太傅。以論語禮服授

皇太子。歐陽高孫地餘以太子中庶子授太子。尚書

孔霸宣帝時為太中大夫。以選授皇太子經。尚書

遷詹事。元帝即位。以師賜爵。號褒成君。張禹初元

中。立皇太子。而博士鄭寬中以尚書授太子。嚴然總

取論立師傳之。顯位谷永云。薦言禹善論語。詔令禹授太子論語

後傳劉昆受施氏易。建武二十二年。為光祿勳。令

入授皇太子及諸王小侯五十餘人。子軼傳昆業。永

平中爲太子中庶子。巨榮弟子何湯以尚書授太子。世祖復召榮令說尚書。榮薦門下生胡憲侍講。榮爲少傅。以太子經學成畢。上疏謝曰。臣師道已盡。皆在太子。謹遣掾臣汜再拜歸道。太子報書曰。莊以童蒙學道九載。而典訓不明。云云。三十年拜爲太常。顯宗即位。尊以師禮。乘輿嘗幸太常府。令榮坐東面。設几杖。會百官。東平王蒼以下及榮門下數百人。天子親自執業。每言輒曰。大師在是。鍾興受嚴氏春秋。光武召見。問以經義。善之。遷左中郎將。詔令定春秋章句。去其復重。以授皇太子。又使宗室諸侯從興受

章句。封關內侯。興以無功不受。帝曰。生教訓太子及諸王侯。非大功邪。興曰。臣師丁恭。於是復封恭。興終不受爵。郅惲。光武令惲授皇太子韓詩。侍講殿中。

包咸舉孝廉爲郎中。建武中入授皇太子論語。又

爲其章句。永平五年。遷大鴻臚。每進見。錫以几杖。經傳有疑。輒遣小黄門就舍質問。顯宗以咸有師傅恩。而素清苦。常特賜珍玩。子福拜郎中。亦以論語入授和

帝。鄭衆建武中。皇太子及山陽王因梁松以縑帛

聘衆。欲爲通義。引籍出入殿中。衆辭不受。巨郁榮子

以虎賁中郎將。永平十五年。入授皇太子經。遷越騎

校尉詔敕太子諸王各奉賀致禮郁數進忠言多見
納錄。張酺字孟侯永平九年置五經師酺以尚書
教授數講於御前除為郎賜車馬衣裳遂令入授皇
太子為人質直守經義每侍講間隙數有諫正之辭
以嚴見憚。太子家時為奢侈物未嘗不正諫酺出後帝每見諸王師
傳常言張酺前入侍講屢有諫正間閭惻惻有史魚
之風元和二年幸東郡引酺及門生並會庭中帝先
備弟子之儀使酺講尚書一篇而後修君臣之禮
召馴建初元年以韓詩遷騎都尉侍講肅宗拜左中
郎將入授諸王帝嘉其義學。曹騰侍皇太子書

漢思賢苑

文帝

博望苑

武帝

龍樓門

見後

漢保傅傳

又見前

見傳類

新書有傳職保傅容經胎教四篇大戴禮

之保傅蓋錯出諸此

蔡邕明堂論引禮記保傅篇

漢皇太子生賦

洞簫賦

見前

枚臯傳武帝春秋二十九乃得皇太子羣臣喜臯與
東方朔作皇太子生賦及立祿祝生祿作賦步障
裁詩並太子生日事魏陳王植臯子生頌夏侯元
皇嗣賦見初學記

漢四章歌詩

崔豹古今注日重光月重輪羣臣為漢明帝所作也
明帝為太子樂人作歌詩四章以贊太子之德一曰
日重光二曰月重輪三曰星重輝六帖作四曰海重
潤漢末其二章亡舊說云天子之德光明如日規輪
如月衆輝如星沾潤如海太子皆比德焉故云重
梁劉孝威重光詩戴暘月重輪行

漢太子謁廟

輿服志安帝立皇太子太子謁高祖廟世祖廟門大
夫從冠兩梁進賢洗馬冠高山侍御史任方奏請非

儲官

乘從時皆冠一梁不宜以為常服事下有司尚書陳
忠奏門大夫職如諫大夫洗馬職如謁者故皆服其
服先帝之舊也方言可寢奏可謁者古者
一名洗馬

魏贊述太子賦

魏志注魏略曰卞蘭獻賦贊述太子德美太子報曰
作者不虛其辭受者必當其實此賦豈吾實哉

藝

文類聚載贊述太子賦曰著典憲之高論作叙懽之
麗詩道無深而不測術無細而不敷乃作頌曰明明
太子既散且聰博聞強記聖思無雙猗之左右如虎
如龍八俊在側旁無諛凶研精書籍留思異同表曰

所作典論及諸賦頌沈思泉涌華藻雲浮博納多容
海濤岳峙 梁蕭曄獻儲德頌

魏二傳 四友

漢魏故事太子於二傳執弟子禮文帝為太子涼茂
為大傳何夔為少傳謂之二傳 六典注魏置太子

文學魏武為丞相司馬懿為文學掾與陳羣吳質朱鑠並

為世子所信號為太子四友 吳太子登四友左輔諸葛

恪右弼張休輔正顧譚翼正陳表梁簡文居監撫安陸侯畢與新

渝映建安 南浦推並預密宴號東宮四友

魏文帝在東宮太祖曰荀公達人之師表當盡禮敬

儲官

太子獨拜牀下 晉華常以選為太子賓友 漢任

疏廣晉選山濤少傳

晉二傳 六傳

紀兼傳武帝泰始三年正月丁卯立皇子衷為皇太

子惠帝三月丁未以李熹為太子太傅魏明帝以後又

曠東宮制度廢缺詹事左右率庶子中舍人諸官並

未置唯置衛率令典兵二傳并攝眾事晉初東宮不置詹事事由

一傳命諸公居之太康初衛瓘以司空領少傅任愷為少傅護太子山濤少傅齊王攸太傅獻

箴有少傳箴惠帝太熙元年八月壬午立廣陵王遹愷

太子為皇太子愨懷建宮備六傳之職何劭為太子太

萬曆丁亥年 監生葉正昇刊

師避景帝諱王戎太傅楊濟太保裴楷少師楊珧少

傳一作張華和嶠少保晉公卿禮秩曰時號太子六

事志通省尚書事詹元帝太興元年正月庚午立子

紹為皇太子明賀循太傅周顛少傅置保傅而

太寧初荀崧領太傅選注山濤啓事曰保傅不可

不高天下之選羊祜克已復禮東宮少事養德而已

宋志晉武太始五年詔太子拜太傅少傅如弟子

事師之禮二傳不得上疏曲敬晉東宮舊事太子

於二傳執子弟禮二傳入見太子詣崇賢門迎太子

為二傳拜各荅拜入坐對坐閻纘云漢太子四館

儲官

晉庶子

宋志中庶子四人職如侍中漢東京負五人晉減為

四人秩六百石吳顧譚晉東宮舊事中庶子四人

准侍中若皇太子入宮與中舍人各一人更日直永

福坊武帝初置應正孔恂為之郭弈鄭默裴頠鄧

二月召處士皇甫謐為之元帝以鄧攸孔衍下壺

為之通典班固二令四率宋志庶子四人職比散騎

常侍中書監令晉制也漢西京負五人東京無負職

如三舍中郎古者諸侯世子有庶子之官秦因其名

秩四百石

晉五率 又見兵制

通典衛率府秦官漢因之屬詹事後漢主門衛徵循
 衛士而屬少傅魏因之晉武時東宮置衛率初曰中
 衛率泰始五年分為左右衛率各領一軍惠帝時又
 加前後二衛率成都王穎為太弟又置中衛率是為
 五率江左已後多不置前後率孝武太元中又置止
 置左右二率晉太康八年詔曰太子家令率更令僕
 東宮之連官宜進品第五與中庶子二
 率同潘尼頌三率備衛元嘉中有四率通典中
 庶子班同三令四率左率山濤之子該褚翼右率
 向雄武韶傅誅
 吳隱之郭奔

宋志太子左衛七人右衛率二人
 五率職如三衛秦時直云衛率漢因之主門衛晉初
 曰中衛太始分為左右各領一軍惠帝時東宮加置

儲官

前後二率成都王穎為太弟又置中衛是為五率江
 左省前後三率太元中又置皆有丞晉世置宋止置
 左右二率秩舊四百石太子屯騎步兵翊軍三校尉
 各七人竝宋初置屯騎步兵因臺校尉翊軍晉太康
 初置始為臺校尉以唐彬居之江左省劉卞曰四率
 糴兵萬人

晉詹事 又見後

宋志太子詹事一人丞一人職比臺尚書令詹省也

晉初太子宫屬通屬二傳咸寧元年復置詹事二傳

不復領官屬晉公卿禮秩曰
 泰始中立詹事後周置宮正宮尹隋

開皇元年更置詹事

嘉清丙辰年 監生 巳正刊

晉少傅箴

傳元太子少傅箴云金木無常方圓應形亦有隳括
習與性成正人在側德義盈堂云云傳臣司訓齊
王攸為太傅獻箴曰保相之木必擇賢明昔在周成
且奭作傅後周蕭圓肅為少傅作箴曰東序養德
震方土器三善既備萬國以正姬周長久實係元良
羸秦短祚亦由少陽

晉東宮侍講

傳傳暢裴憲卞壺侍講東宮庾亮侍講諫帝以韓
子賜太子王悅亦侍講杜夷元帝以為國子祭

講官

酒太子凡三至夷舍執經問義齊永明三年太子

於崇正殿講孝經建元中率更令伏曼容侍太子

講建武中何佟之侍講梁庾黔婁侍太子讀與中

庶子殷鈞博士明山賓等遞日講五經義天監八年

安敷講孝經論語徐勉傳領中庶子侍東宮昭明

太子於殿講孝經臨川王宏尚書令沈約備二傅勉

與祭酒張充為執經王瑩張稷柳澄王暕為侍講天

元年十一月甲子立皇子統為皇太子拜東宮官屬

文武皆入直永福省五年五月庚戌出居東宮五日

晉宣猷堂

嘉靖丙辰年

見後。太子宴元圃宣猷堂。陸機賦詩曰：體輝重光，承規景數，茂德淵冲。天姿王裕，叢爾小臣，振纓承華，匪願伊始，惟命之嘉。

晉皇太子釋奠 詳見釋奠

潘岳頌曰：尊道遜齒，降心下問，鋪以金聲，光以玉潤。

袁曜釋奠詩曰：南庠貴齒，東學上親，卑躬下問，降禮師臣，負冠濟濟，方領恂恂。宋何承天詩：顏延

年詩：尚席函丈，丞疑奉帙，侍言稱辭，信史秉筆。齊

永明五年冬，太子臨國學，親策試諸生，問王儉曲禮

毋不敬義。 三年十月 王儉詩：金鎔乃器，水術伊瀾。

晉侍臣箴

溫嶠侍臣箴：均士抗禮，以卑厥情，入學齊齒，言稱先生，不以賢自盛，不以貴為榮，師傅是瞻，正人在側，屏彼佞諛，納此亮直。齊王攸獻，太子箴有固親，以道脩身，以敬之語。

晉東宮舊事 梁東宮新記 又見 長春

義記 唐春坊要錄

唐志故事類 張敞晉東宮舊事十卷 顏氏家訓引東宮舊事又太平

御覽選 杜正倫春坊要錄四卷 儀注類 梁蕭子雲東

宮雜事二十卷 選注引蕭子雲東宮雜記 子雲傳

萬曆十六年 監生方萬崙

之賜東帛王僧陸開明宇文愷東宮典記七十卷

隋志左庶子宇文愷撰劉杳為通事舍人撰東宮

新舊記三十卷隋志皇儲故事二卷失姓名經解類梁簡文帝長春義記一百卷隋志同梁簡

東宮學士及撰長春義記使撮異聞廣之晉東宮舊事皇太子初拜有

石山安車一建九旗青色四馬有眊幢一鹵簿有黃

麾太子大小會庭設三廂樂舞六佾納妃四望車羽

葆前後部鼓吹有織成袞帶白玉佩步搖一具九鈿

函盛之通典魏收按東宮舊事太子宴會多以西

面為禮唐會要開元六年侍中宋璟上表曰皇太

子冠准東宮典記有上禮之儀謹按上禮非古宜停

諸宮故事

宋東宮儀記

隋志儀注篇宋東宮儀記二十三卷宋新安太守張

鏡撰劉孝綽等議東宮新記二十卷蕭子雲撰見

南史劉杳撰東宮新舊記三十卷崇文目類書有

青宮懿典十五卷王純臣撰宣和四年四月葉煥上

齊皇太子九言

文選齊竟陵王子良行狀文惠太子養德東朝同符

作者爰造九言實該百行命公注解注竟陵王集有

皇太子九言注解言德言賢言親言生言靜言昭言

真言節言義

萬曆丁亥年

二每卷丁亥年

三

監生于光烈刊

後魏東宮侍臣箴

後魏書宗欽仕河右爲世子洗馬上東宮侍臣箴曰
恢恢玄古悠悠生民五才迭用經叙彝倫正父維子
弼君伊臣顛而能扶屈而能申昔在上聖妙鑒厥趣
不曰我明而乖其度不曰我新而忽其故如彼在泉
臨深是懼如彼覆車望塗改步是以令問宣流英風
遠布及於三季道喪紀遷桀起瓊臺紂醜糟山周滅
妖姒羿喪以田險詖蔽其耳目鄭衛陳於其前怙才
肆霍異端是纏豈伊害身厥嗣殲焉茫茫禹跡畫爲
九區昆蟲鳥獸各有巢居雲歌唐后垂橫美虞疎網

儲官

改祝殷道攸敷龍盤應德隨蛇銜珠勿謂無心識命
不殊勿謂理絕千載同符爰在子亘靈數攸臻儀形
徐阮左右劉陳披文採友叩典問津用能重離襲曜
魏鼎維新於昭儲后運應玄籙夕惕乾乾虛矜遠屬
外撫幽荒內懷煢獨猶懼思不逮遠明不遐燭君有
諍臣庭立謗木本枝克昌永符天祿微臣作箴敢告
在僕文選注卞壺議曰太子所居宮稱東宮不言
太子宫者二宮以東西爲稱明是天子之離宮使太
子居之也

後周皇太子箴

藝文類聚

初學

後周王褒皇太子箴其略云令問令

望聞詩聞禮秋坊通夢春宮養德巨榮獻善荀攸觀

則元子為士齒卿命秩昔在周漢親賢保弼朝服寢

門迴車作室正陽君位元枝父道臣子所崇忠孝為

寶文昌著於前星主尊由於守器庶僚司箴敢告闔

寺隋戴逵亦有箴

晉語晉臣曰夫教者因體能質而利之者也若川然

有原以印浦而後大

唐東宮三師官儀注

志太子太師太傅太保各一人從一品掌輔導太子

儲宮

每見迎拜殿門三師各拜每門必遜三師坐太子乃

坐太子出則備鹵簿以從元稹教本書曰正觀師傳

選正觀十三年正月戊午房元齡為少師十六年

九月丁巳魏證為太師帝曰當今忠寒無踰證羽翼

固矣十七年四月丙戌立晉王為太子巳丑司徒無

忌太師司空元齡太傅特進蕭瑀為太保二十一日

庚子上謂元齡瑀曰三師以德導人禮卑則太子無

所取則於是詔撰三師儀注太子出殿門迎先拜三

師各拜每門遜三師坐太子乃坐與三師書前名惶

恐後名惶恐再拜十九年二月乙卯高士廉攝太傅

帝欲岑文本兼攝辭詔五日一參東宮太子各拜二

萬曆丁亥年

三

三

監生葉正昇刊

嚴師問道之禮大和六年十一月甲子立永為太子
詔方從師傅授六經一二年後當齒胄國學七年路
隋為太師以中使為皇太子見太師禮儀使見隋於
崇明門開成三年三月庚午鄭覃為太師王起少師
少師少傅少保各一人從二品掌曉三師德行以諭
皇太子奉太子以觀三師之道德自太師以下唯其
人不必備先天元年開府置令丞各一人隸詹事府
尋廢李綱以直士拜少保高祖手敕未嘗不補名正
師始詣東宮太子欲拜之遜不敢謁永徽二年七月
乙丑張行成兼少傅高季輔兼少保于志寧兼少師
顯慶元年七月癸未崔端禮為少師龍朔二年八月壬
寅許敬宗為少師開耀元年三月辛卯劉仁軌兼少
傅郝處俊為少保開元八年姚
崇為少保十七年源乾曜少傅

唐太子賓客 東宮儀典

儲官

志太子賓客四人正三品掌侍從規諫贊相禮儀宴

會則上齒正觀十八年以宰相兼賓客永徽三年褚遂良同三品

兼張文瓘以侍中郝處俊以中書令劉仁軌戴至德以左右僕射兼開元中定負四

人通典云象四皓會要顯慶元年正月十九日甲申置賓

客無負品選高名重德為之以侍中韓爰中書令來

濟禮部尚書許敬宗兼開元中始編入令置四負建

中四年九月二十五日加兩負六典漢致四皓立博望苑則其義也韋

安石崔沔裴灌賀知章柳冲徐堅薛登楊元琰李尚

隱鄭肅為之嗣吳王祗以宗室老為之元琰為

賓客睿宗詔設位杜淹傳為御史大夫帝敕東宮

儀典簿最悉聽淹裁訂正觀元年參議朝政肅宗紀乾元元

年十月甲辰立成王俶為太子舉忠正孝友堪東宮
官者

劉洎上書曰太子宗祧是繫晁錯上書令通政術賈
誼奏計務知禮教古者問安而退以廣敬也異宮而
處以遠嫌也太宗勅洎與文本馬周遞日直東宮

咸亨元年徐齊聃上疏曰姬誦與伯禽同業晉儲以
師曠為友皇太子可招尋園綺寤寐應劉齊聃侍太

芳林門又侍太子諸王屬文李泌供奉東宮元稹書曰願齒胄講業行

嚴師問道之禮

唐太子侍讀

儲官

志侍讀無常負掌講導經學太宗時晉王府有侍讀

蕭德言許叔牙為之及為太子亦置焉德言以弘文

牙獻詩纂我十篇太子寫付司經馬周薦李敬元

召入崇賢館侍讀嚴蕭德言之敬望苑陪遊肅成侍講孝敬在東宮高智周賀敬王真

儒侍讀中宗則崔融東朝表疏韋安石崔神慶明皇

則張說講友悌之書褚無量撰翼善之記無量以司

開元中皇太子及四王未就學褚無量以孝經論語

五通獻帝乃選郝常亨郭謙光潘元祚等為太子諸

王侍讀開元初十王宅引辭學工書者入教亦為侍

肅宗初封陝王仁孝好學元宗遣賀知章潘肅呂向

萬曆丁亥年

王海卷百六

三十一

四百二十三章

皇甫彬邢璣等侍讀左右德宗在春宮則張涉順宗

則歸崇敬及子登馮伉伉對殿中梁肅孔述睿諫議大夫

兼憲宗則有陸質崔樞歸登登獻龍樓箴元和中歸

登呂元膺孔戣李逢吉呂元膺賜紫穆宗則有丁公

著著太子諸王訓十篇薛放韋綬太子書依字去人不全大和

中王起廣五位圖韋溫陳夷行兼侍讀五日一

高宗為太子崇賢館學士馬嘉運數與洗馬秦晫侍

講宮中徐齊聃侍太子講孔穎達拜祭酒侍講

東宮崔神慶與詹事祝欽明更日侍讀開成元

年詔宮臣諧崇明門朝朔望侍讀偶日入對

詹官

唐太子詹事 端尹府 三寺

志兼會要太子詹事一人正三品少詹事一人正四

品上掌統三寺十率府之政少詹事為之貳注隋發

詹事府武德初復置龍朔二年曰端尹府詹事曰端

尹少詹事曰少尹武后光宅元年改曰宮尹府詹事

曰宮尹少詹事曰少尹中宗還東宮豆神龍元年又

改為詹事府丞二人正六品上掌判府事裴佖先

簿一人從七品上武德初趙弘智九年錄事二人正

九品下司直二人正七品上楊炯楊嶠王倨掌糾劾

宮寮及率府之兵皇太子朝則分知東西班監國則

嘉靖丙辰年

詹事庶子為三司使司直一人與司議即舍人分日
受理啓狀太子出則分察鹵簿之內顯慶元年置龍
朔三年二月改隸桂坊後罷桂坊復隸詹事府 實
錄正觀二年七月戊申中書令房元齡兼詹事永徽
三年七月乙丑侍中宇文節兼詹事六年十月癸丑
中書令崔端禮檢校詹事 列傳李綱武德初為太
子詹事事太子建成初其禮遇曰審諭娉諧固屬李
綱矣 張行成為太子少詹事 張元素為少詹事
諫承乾 李勣高宗為皇太子 正觀十七年轉勣為
太子詹事兼左衛率太宗謂曰我兒新登儲貳卿舊

儲官

長史今以宮事相委故有此授雖資階可勿怪也
劉憲景雲初遷太子詹事元宗在東宮留意經籍憲
因上啓薦褚無量 李尚隱為太子詹事 馮定為
太子詹事時宰臣鄭覃兼太子太師欲於尚書省上
事定奏曰據六典太師居詹事府不合於都省禮上
乃詔於本司上事人推美之 帝混自右中護為詹
事 又鍾紹京陸象先餘慶為之

晉咸寧元年六月戊申置詹事官 羊琇願言而匪
獲謝琰功高而後至下壺陸曄王恂皆領詹事 江
摠有潘陸之華無園綺之實 陳孔 與云

唐春坊 左右庶子 中允 司議郎記

注 諭德

志左春坊左庶子二人正四品上中允二人正五品
下掌侍從贊相駁正啓奏摠司經典膳藥藏內直典
設宮門六局皇太子出則版奏外辦中嚴入則解嚴
凡令書下則與中允司議郎等畫諾覆審留所畫以
為案更寫印書注令諾送詹事府禮志冊皇太子左庶子奏請中嚴太
子受冊左庶子受之進受重綬以授左庶子 通典
宮臣上禮左庶子省進酒九斛盛以銅鐘一斛正至
朝賀左庶子 司議郎二人正六品上掌侍從規諫駁
夾侍於輜前 正啓奏凡皇太子出入朝謁從祀釋奠講學監國之

諸官

命可傳於史冊者錄為記注宮坊梓青官長除拜歲
終錄送史館左諭德一人正四品下龍朔二年置 掌諭皇

太子以道德隨事諷替皇太子朝宮臣則列侍左階
出入騎從左贊善大夫五人正五品上儀鳳四年置 掌傳

令諷過失替禮儀以經教授諸郡王崇文館學士二
人校書郎二人見館類 右春坊右庶子二人正四品下

中舍人二人正五品下掌侍從獻納啓奏中舍人為
之貳太子舍人四人正六品上掌行令書表啓諸臣

上皇太子大事以牋小事以啓其封題皆上右春坊
通事舍人以進通事舍人八人正七品下掌導宮臣

嘉靖丙辰年 監生余龔刊

辭見承令勞問隋李伯藥為之唐有韋斌揚弘禮武攸緒張均右諭德一人

右贊善大夫五人皆如左春坊注隋有內允武德三

年改曰中舍人隸門下坊正觀初曰中允十八年置

司議郎永徽三年避皇太子名復改中允曰內允太

子廢復舊龍朔二年改門下坊曰左春坊左庶子曰

左中護中允曰左贊善大夫司議郎分左右置左右

諭德各一人咸亨元年皆復舊司議郎不分左右其

後諭德廢而司議郎復分儀鳳四年二月十日置左右

贊善大夫各十人以同姓為之景雲二年五月始兼

用庶姓開元七年各省五員改門下坊曰左春坊復置諭德庶

儲官

子以比侍中中允以比門下侍郎司議郎以比給事

中贊善大夫以比諫議大夫諭德以比散騎常侍右

坊則庶子以比中書令中舍人以比中書侍郎太子

監國則庶子以比尚書令又注隋內舍人隸典書坊

唐臨置典書坊武德初改曰中舍人管記舍人曰太子舍人

永徽元年避太子名復改中舍人曰內舍人龍朔二

年改典書坊曰右春坊右庶子曰右中護中舍人曰

右贊善大夫舍人曰右司議郎通典隋罷詹事分

東宮置門下坊典書坊以分統諸局比門下內史二

省唐置詹事府以統眾務置左右春坊以領諸局龍

嘉靖丙辰原年
三母卷二百二十八
監生徐驥刊

朔二年改門下坊為左春坊典書坊為右春坊東宮宜春

宮門外有左春坊內坊南有崇賢館宜六典注禮

秋宮門外有右春坊內坊有崇教殿記周有庶子官周禮諸侯卿大夫之庶子國有大

事帥國子致於太子秦置中庶子漢太傅屬官有庶

子後漢少傅屬官有中庶子負五人秩六百石職如

侍中庶子無負四百石如郎環濟要略曰主宮中并

籍燕禮獻庶子於作階上法世子之官也宵則庶

子執燭於作階上張敞東宮舊事中庶子與中舍

人各一人更坊隋始分左右負各二人分統門下典書

二坊云云龍朔改左右春坊左庶子房元齡武德九年杜如晦長孫無忌陳叔達

劉洎以侍中兼辛茂將顯慶四年裴敬彝杜正倫蘇勉

薛元超中書令兼劉仁軌咸亨三年高智周儀鳳二年張大安上

中王方慶中宗還東宮兼侍讀書魏元忠魏知古徐堅吳兢

崔沔蘇晉韋抗郝處俊劉子元李安仁韋安石姚

元之景雲元年七月丁巳以同三品兼蕭復興元

右庶子高士廉武德九年李百藥正觀四年令狐德

棻張元素趙弘智孔穎達撰孝經馬周以中書侍

十八年遷中書令猶兼于志寧撰諫苑高馮李義琰上元中同

李敬元咸亨二年張文瓘許圜師平正謹德傳宋璟景

元年同三品兼李景伯賀知章高仲舒李日知孔述睿武

元衡冊太子贊相

景雲初宮相二以宰臣兼領

諭德猶上臺之有騎省

孔惠元殷承業平正謹為左馮

朝隱沈伯儀穆寧蘇源明韋承慶負半千鍾紹京為右

贊善大夫 李涵歸崇敬

中護 麟德元年十二月戊子劉祥道為右中護

二年十月壬戌劉仁軌左中護乾封元年七月庚

午仁軌兼右中護

通典中允漢東京有之職在中庶子下洗馬上漢制

太子五日一朝其非朝日即使僕及中允朝請問起

通官

居宋齊有中舍人是其職也

宋志云疑若今中書舍人

唐正觀初

改中舍人為中允置二員

王珪孔穎達杜淹陸德

明王維裴諝為中允

唐司議郎 又見止

志司議郎二人正六品上

古記過之史正觀中置

列傳敬播

正觀十八年

十月四日甲辰

皇太子表請置史職用司箴戒

乃於門下坊置太子司議郎四人精選名士以居之

播與來濟為此官極為清望中書令馬周歎曰所恨

資品已高不得歷居此職 王元感撰尚書糾繆十

卷春秋振滯二十卷禮記繩愆二十卷則天詔授太

子司議郎 韋承慶遷太子司議郎為諭善箴以獻
 元遜中宗在東宮召拜司議郎及謁見則天謂曰
 卿既能孝於家必能忠於國今授此職須知朕意宜
 以善道輔弼吾兒 又召王友正為之不就 徐浩元宗
 時為司議郎 路敬淳郝處俊徐齊聃陸柬之奚陟
 杜棕亦為之

唐中舍人 舍人

通典晉咸寧四年置中舍人四人以舍人才學之美
 者為之與中庶子共掌文翰在中庶子之下洗馬之
 上 晉張載杜錫陸雲顧榮為中舍人 隋曰內舍人
宋志中舍人晉初置職如黃門侍郎

四自屬門下坊唐中舍人二自掌侍從令書奏疏 虞

南王珪帝親崔弘武龍朔改右贊善大夫舍人秦官

漢比郎中 魏錯鄭當後漢無自更直宿衛如郎中

為晉十六人職比散騎中書侍郎掌表啓牋疏 摯虞

李重華譚山簡樂廣項俠湛元源 宋四人唐四人掌

侍從表啓宣行令旨龍朔改右司議郎咸亨復 太宗

宮除褚亮為舍人 李義府為舍人獻承華箴薛

元敏為舍人掌文翰解職元宗在東宮盛擇宮寮

拜賈曾舍人薛元超趙弘智王琚蕭嵩帝并為之

姚弁甄 六典皇太子監國及於宮內下令書太子

親畫日至春坊則右庶子宣傳之中舍人奉之舍人

行之宋志舍人二漢無自掌宿衛如三舍中郎唐
宣傳中舍人奉行頽延年詩秉筆侍兩閨謂中書侍御

唐東宮六局

志司經局洗馬二人掌經籍出入侍從圖書上東宮

者受而藏之舒叔牙劉訥言以洗馬兼侍讀訥言授

咸江統王甚衛介陸機為之機詩云託身承文學

三人魏置太子文學校書正字並見後隋置正字典

膳局典膳即二人丞二人掌進膳嘗食丞為之貳每

夕更直於厨見後宋志家令漢東京主食官令晉

如太官令通典開元禮正至受賀鴈行三周典藥

儲官

藏局即二人丞二人掌知藥北齊門下坊領內直局

即二人丞二人孔志約為掌符璽衣服繖扇几案筆

硯垣墻齊有內直兵局北齊幾內局龍朔二年改

人開元監日內直即副監日丞武德中有典璽四

設南齊齋局梁齋內局龍朔日即宮門局即二人

張暉姚丞二人掌宮門管鑰漢門大夫隋日宮門監

日宮門即崔融為宮門丞右東宮六局左庶子摠之

唐桂坊司經局司經大夫東宮圖書

通典漢太子太傅少傅屬官有洗馬後漢職如謁者

太子出則當直者前驅導威儀也晉八人掌圖籍梁有

嘉靖丙辰年

典經局又置八人掌文翰尤為清選皆取甲族有才名者為之庾於陵周位視通直郎北齊經典坊洗馬二人後周建德三年置太子文學十人隋曰司經局

洗馬四人唐司經局洗馬二人龍朔二年改洗馬為

司經大夫三年改司經局為桂坊司經大夫通判坊

事罷隸左春坊咸亨初復舊掌侍奉及經史圖籍判局

事志司經局洗馬二人從五品下魏證賀德仁魏廉劉孝孫蔡

允恭韋現賀紀蕭德言劉訥言田游巖皆為洗馬掌經籍出入侍從圖書上

東宮者受而藏之文學三人正六品下徐堅王紹宗

為分知經籍侍奉文章校書四人正九品下姚南仲

儲官

張說許堯佐李觀崔戎

韋正賈王嗣珙為校書

劉晏常袞趙麟掌校刊

經局曰桂坊罷隸左春

事二人為令比御史大

馬為司經大夫王真儒

二明改司經大夫曰桂

復隸左春坊省錄事

漢宮闕名洛陽故北宮有九子坊晉王珉曰中庭

子稱坊詹事稱寺寺同於九卿坊如天朝之稱臺

梁蕭子範直坊賦曰直中舍之坊

寅正字二人從九品上楊

史注龍朔二年二明改司

領崇賢館比御史臺以詹

司直二人比侍御史以洗

文學四人錄事一人三年

大夫糾正違失咸亨元年

唐率府 十率府

志太子左右率府率各一人正四品上副率各二人
從四品上掌兵仗儀衛凡諸曹及三府外府皆隸焉
六典凡親勳翊府及廣濟等五府屬焉 元日冬至皇太子朝宮臣諸方
使則率衛府之屬為衛每月三府三衛及五府趨乘
番上者配以職太子左右司禦率府率各一人正四
品上掌同左右衛凡諸曹及外府旅賁番上者隸焉
六典云郊太子左右清道率府率各二人副率各二
城外三府 人掌晝夜巡警凡諸曹及外府直盪番上者隸焉
六典 云絳邑皇太子出入則以出遊隊先導後拒隊為殿
第三府

太子左右監門率府率各一人副率各二人掌諸

禁衛凡財物器用出者有籍太子左右內率府率各

一人副率各一人掌千牛供奉之事皇太子坐日領

千牛升殿射于射宮則千牛奉弓矢立東階西面率

奉弓副率奉矢夾於北面張弓左執附右執蕭以進

副率以弓拂矢而進各退左於位既射左內率啓其

中否各有長史錄事參軍在曹倉曹參軍冑曹參軍

左右率府司禦率府又有曹參軍注武德五年改

左右侍率曰左右衛率府 右武侍衛率曰左右宗

衛率府左右宮門將曰左 監門率府龍朔二年改

左右衛率府曰左右典戎衛左右宗衛率府曰左右
司禦率府左右虞候率府曰左右清道衛左右內率
府曰左右奉裕衛左右監門率府曰左右宗衛府左右清道衛曰
后垂拱中改左右監門率府曰左右宗衛府左右清道衛曰
年改左右司禦率府曰左右宗衛府左右清道衛曰
左右虞候率府景雲二年左右宗衛府復曰左右司
禦率府開元初左右虞候率府復曰左右清道率府
詹事統十率府之政司有一糾劾率府之兵禮志冊
皇太子諸衛率各勦所部陳于庭僕進金路內率一
人執刀贊等奏駁引六志府兵隸于衛餘以隸東

宮六率

通典衛率府秦官漢因之屬詹事云云見

晉五率段

開元禮皇太子與師傅保相見諸衛率各

勒所部屯門列仗正至朝賀內率夾輅而趨出重明

門太宗紀正觀二年正月辛亥杜如晦檢校侍中

總監東宮兵馬事十五年十二月庚子命三品以上

嫡子事東宮十七年閏月丁巳詔皇太子典左右屯

營兵列傳李勣為太子詹事兼左衛率李靖以

右僕射行左衛率尉遲敬德為左衛率程知節

為右衛率長孫安業為右監門率張公謹李客

師為右內副率李大亮拜左衛大將軍晉王為太

子東宮僚屬皆選盛重臣以大亮兼太子右衛率俄兼工部尚書身居三職宿衛兩宮甚為親信韓倫

正觀中歷左衛率韋挺左衛驃騎檢校左衛率

蔣儼為左衛副率時隱士田游巖為太子洗馬任官

竟無正補儼貽書責之王及善高宗時遷右奉裕

率孝敬居東宮因宴集命宮官擲倒次至及善辭

李自良以戰多為右衛率元遜永淳中巡察使薦

孝悌殊異擢拜右內率府長史李善方雅清素有

君子之風明慶中累補太子內率府錄事參軍王

元感遷左衛率府錄事張薦授左司御兵曹杜

儲官

甫擢左衛率府胄曹鄭惟中蘇頲除左司禦胄曹

李吉甫補左司禦倉曹薛從張建封左司禦兵

曹毋照右率府胄曹梁令瓚右率府兵曹柳

澤景雲中為右率府鎧曹唐臨亦為之

唐家令寺

通典家令秦官屬詹事漢因之有丞秩八百石晁

以辯得幸太子太子家號曰智主倉穀飲食職比司

農少府漢太子食湯沐邑十縣家令主之後漢則屬

少傅漢詹事屬官有食官令魏因之晉兼主刑獄穀

貨飲食職比廷尉司農少府其家令率更令及僕為

太子三卿三卿秋隋改為司府令唐復為家令寺云

志家令寺家令一人從四品上掌飲膳食儲摠

食官典倉司藏三令梁有錫賜庫局丞衛庫丞皇太子出入則乘

輅車為導祭祀賓客則供酒食丞二人主簿一人晉

主注唐改隋司府令曰家令龍朔二年改家令寺曰

宮府寺家令曰大夫咸亨元年復舊吳湊解詹事換

令正元十九年四月幸家令寺

唐太子率更令 率更寺

通典兼志率更漢屬詹事師古曰掌知漏有令及丞

晉主宮殿門戶職如光祿勳衛尉晉劉弘起家太子

諸官

唐率更寺令一人從四品上掌宗族次序禮樂刑罰

及漏刻之政太子釋奠講學齒胄則摠其儀出入乘

輅車為導居家令之次丞主簿各一人通典家令率

太子會要龍朔二年改曰司更寺令曰司更大夫

咸亨元年復為率更令歐陽詢蕭鈞賀敬張文收劉

為太子受春秋左氏於率更先天元年正月皇太子

令宮臣就率更寺閱女樂太子舍人賈曾諫

唐太子僕 馭僕寺

志兼通僕秦官漢因之又有殿長水主輿馬晉制僕

主輿馬兼主親族職如太僕宗正齊周顒梁劉孝綽

萬曆十六年

內外唐僕寺僕一人從四品上掌車輿乘騎儀仗摠
 廢牧局太子出則率廢牧令從八品下進路親馭丞主簿
 各一人龍朔二年改曰馭僕寺僕曰大夫廢牧令一
 人丞二人掌車馬閑廢皇太子出則率典乘先期習
 路馬率駕士馭車乘既出進路式路車於西閣外南
 向以俟凡羣牧隸東宮者皆受其職事典乘四人有
馭十人駕士十五人掌閑六百人禮志皇太子納妃內廢尉進厭
 翟冊太子僕進金路宋志漢世太子五日一朝非
 入朝日遣僕及中允旦入請問起居主車馬親族
 通典僕正立執轡太子升輿左內率前執轡太子升

輅僕立授綏左右內率夾輅而趨輅動三師乘車訓
 導三少乘車訓從謁太廟僕策輅於西閣外南向車
 右執刀立於輅前北向

唐典膳丞

會要乾封元年皇太子久在內不出稀與宮臣接見
 典膳丞邢文偉減膳上啓曰竊見禮大戴記曰太子
 既冠成人免於保傅之嚴則有司過之史虧膳之宰
 史之義不得不書過不書則死之宰之義不得不徹
 膳不徹則死之近者以來談議不接謁見尚稀三朝
 之後但與內人獨處何由發輝聖智史雖闕官宰當

奉職謹守禮經。輒申減膳。其年左史闕。上曰：邢文偉以吾兒不讀書，不肯與肉。此人甚正直，遂拜焉。太和四年十一月，左庶子孫革奏：典膳等五局郎，青宮列屬，護翼元良，必用卿相子弟。先擇文學端士，國朝謹選，繼得其人，或揚歷清資，或致位丞相。

志：龍朔二年，改典膳監曰典膳郎。武德初有典膳監，任察。延壽正觀十五年為丞。

同改為典膳郎。 俎、盂、鮑、魚、饌、去邪蒿。

玉海卷第一百二十八

論官

玉海卷第一百二十九

浚儀王應麟伯厚甫

官制

儲官

訓導東宮事附

唐東宮

會要

兼實錄

武德九年六月，改東宮弘禮嘉福等門為

光宣門。正觀十七年十一月，誕皇孫，宴宮僚于弘教

殿

自殿北門入幸東宮

顯慶元年六月，改東宮弘教殿為崇教

殿。咸亨四年七月庚午，皇太子新宮成，帝親送太子

入宮。五品已上宴會，奏樂。長安二年正月十七日，左

庶子王方慶奏東宮門殿多觸太子名請改之以協舊典永正元年六月乙未皇太子見百僚於東朝

長安志東宮在太極宮中自承天門而東其第三門

曰重明門即東宮正門也殿曰明德本顯德殿武德九年八

月甲子太宗即位于此中宗為太子改明德高宗以正觀二年

生于麗正殿皆在東宮魏證曰武德殿在東宮之西

開元後太子不居東宮但居乘輿所幸之別院

文本傳晉王為太子大臣多兼宮官帝欲文本兼攝

辭曰不願希恩東宮請一心以事陛下帝乃止但詔

五日一參東宮每進見太子答拜又太宗敕劉洎岑

東宮故事

文本馬周遷日直東宮

通典受朝集使參辭設幄

座於東宮正殿東序西向設宮臣次於重明門外謁

太廟宿齋於正殿設宮官次於東宮朝堂

神異經曰東方有宮青石為牆高三仞左右闕高百

丈畫以五色門有銀榜以青石碧鏤題曰天地長男

之宮晉太元十七年八月新作東宮北齊議者

引晉舊事太子在東宮西面為避尊位通典徐廣

東宮頌曰禮樂承軒典冊授庭命服惟九龍旗鸞旌

初學記

唐重明門 又見冠禮

禮志皇太子加元服九品以上皆詣東宮朝堂宮臣皆朝服其餘公服集於重明門外朝堂納妃前一日衛尉設次於東朝堂之北西向又設宮官次於重明門外其日皇太子服袞冕出升金輅至承天門降輅就次

通典皇太子謁太廟設宮官次於東宮朝堂典儀設宮臣位於重明門外所司依鹵簿陳設於重明門外皇太子會宮臣如常會之儀宮臣上禮朝服集東宮南門之左正至受羣臣賀設羣官等次於東宮朝堂四部伎立於左右嘉善門外

唐太極殿冊太子

見冊禮及殿類 姚珽上書曰銀榜銅樓宮闈嚴秘門閤來往皆有簿籍

唐臨軒冊命

見冊禮 **通典**開元禮臨軒冊命皇太子 設御帳座

於太極殿 朝皇后謁太廟皇帝會群臣 上壽 羣臣上

禮皇后受群臣賀皇后會命婦 上壽 皇太子會羣臣

會宮臣宮臣上禮內冊皇太子臨軒命使皇太子受

冊皇太子朝謁 謂皇帝皇后所御殿

唐正觀賜太子典籍

會要正觀十七年十一月二十八日誕皇孫宴宮寮

嘉靖丙辰年 監生朱光德刊

于弘教門太宗幸東宮自殿北門入謂宮臣曰頃來
生業稍可非乏酒食而唐突公等宴會朕有甲觀之
慶故就卿為樂耳謂太子曰爾國之儲貳府藏是同
金玉綺羅不足為賜但先聖典籍可為鑒誡耳因賜
尚書毛詩孝經各一部太子太傅蕭瑀曰今所賜書
請陳其要申明義趣可為深戒者皆委曲言之上大
悅以為師傅得人是歲四月立晉王為皇太子己亥
御兩儀殿陳孝德以戒之閏六月
語侍臣曰自太
子立遇物必誨

唐正觀皇太子釋菜于太學 景雲皇太
子釋奠于國學 開元皇太子入學齒胄

紀太宗正觀二十一年二月丁丑皇太子釋菜于太

學高宗總章元年二月丁巳二十皇太子弘釋奠于

國學開耀元年二月丙午十九皇太子釋奠于國學

睿宗景雲二年八月丁巳皇太子釋奠于國學先天

元年即太極二月丁巳皇太子釋奠于國學元宗開

元七年十一月乙亥皇太子入學齒胄賜陪位官及

學生帛 **禮樂志**正觀二十一年許敬宗等奏請國

學釋奠以祭酒司業博士為三獻會皇太子釋奠自

為初獻以祭酒張後嗣亞獻光州刺史攝司業趙弘

智終獻總章元年太子弘釋奠于學贈顏回為太子

少師曾參少保睿宗太極元年加贈顏回太子太師
曾參太子太保皆配享元宗開元七年皇太子齒胄
于學謁先聖詔宋璟亞獻蘇頲終獻臨享天子思齒
胄義乃詔二獻皆用胄子祀先聖如釋奠右散騎常
侍褚無量講孝經禮記文王世子篇 **會要正觀二**
十年二月詔皇太子於國學釋奠于先聖先師皇太
子為初獻張後嗣趙弘智亞終獻既而就講弘智演
孝經忠臣孝子之義右庶子許敬宗上四言詩以美
其事永隆二年二月六日皇太子親行釋奠之禮禮
畢上表請博延耆碩英髦之士為崇文館學士於是

東宮

薛元超表薦鄭祖元鄧元挺楊炯崔融等為學士景

雲二年七月

恐誤

皇太子親釋奠于國學有司具儀

注從臣皆乘馬著衣冠左庶子劉子元進議曰專車

馮軾可擐朝衣單馬御鞍宜從褻服其乘馬衣冠竊

謂宜從廢改皇太子令付外宣行仍編入令以為常

式

車服志亦載此
事謂睿宗時

太極元年二月二十八日皇太子

親釋奠開講筵國子司業褚無量執經開孝經及禮

記題太子問疑義數條開元七年十一月十一日以

貢舉人將謁先師質問疑義敕皇太子及諸子宜行

齒胄禮二十一日皇太子謁先聖為初獻亞獻終獻

嘉靖丙辰年

三每卷二十一乙

五

監生朱光德刊

並以胄子充大曆五年八月皇太子行齒胄禮於國學司業歸崇敬以國學及官名不稱請改之疏奏不從建中元年正月辛未制皇太子時幸太學行齒胄禮諫議孔述睿克侍讀

梁天監八年皇太子釋奠周捨議請依東宮元會太子著絳紗襪樂用軒垂九年三月乙未詔皇太子及王侯之十年在從師者皆入學

唐帝範 詳見御製

執文志儒家太宗帝範四卷賈行注 會要正觀二十三年正月二十日太宗撰帝範十二篇 崇文館賜目一卷

皇太子顧謂王公曰飭躬闡政一作修國之道備在其

中矣云正觀二十二年正月巳卯作君體建親求賢審官納諫去諛戒盈崇儉賞罰務農崇文

敬宗寶曆二年五月著作郎常公肅注太宗文皇帝帝範一十二篇上之 通監正觀十七年閏六月上

謂侍臣曰自朕立太子遇物則誨之云云 崇賢有

館司議有郎典書有坊開元製訓戒之書元和集君

臣之迹

唐寢殿別院

高宗紀太宗嘗命皇太子遊觀習射辭以非所好願

得奉至尊居膝下太宗大喜乃營寢殿側為別院會

嘉靖丙辰年 監生朱光德刊

正觀二年使太子居之太宗每視朝皇太子常侍觀決庶政
褚遂良傳時帝於寢宮側前置院居太子遂良諫以為朋友深交者易怨父子滯愛者多愆宜許太子間還東宮近師傳專學藝以廣懿德帝從其言
開元後太子不居東宮慶乘輿所幸別院遂良疏曰周兩問安三至必退漢儲視膳五日乃來崔融表云周儲故事一日三至於寢門晉兩舊儀一月五朝於左閣

唐詩纂義

許叔牙傳晉王為太子叔牙為府官獻詩纂義十篇太子寫付司經高智周見之曰欲明詩者宜先讀此

東宮

晉王高宗也

唐承華箴

李義府傳高宗為太子除義府舍人獻承華箴震維標德離宮體正望誠登俎高諭喬枝

唐青宮紀要 天訓 少陽政範

藝文志儒家類武后紫樞要錄十卷臣軌二卷百寮新誠五卷青宮紀要三十卷少陽政範三十卷列藩正論三十卷凡武后書皆元萬頃等撰童懷太子春宮要錄十卷脩身要覽十卷武后訓記雜載十卷采青宮紀要維城典訓古今內範內範要略等書為雜載維城典訓二十卷故事類春坊舊事萬曆丁亥年

三卷

失姓名

杜正倫春坊要錄四卷儀注類蕭子雲東

宮雜事二十卷陸開明宇文愷東宮典記七十卷

舊志

青宮要記十卷天后撰

崇文總目同

會要高宗顯

慶二年六月上製元首前星維城股肱誠令許敬宗

等注釋名曰天訓

志高宗天訓四卷

章懷太子傳后撰少

陽政孝子傳賜賢

唐青宮要錄

舊志儒家青宮要錄十卷修身要錄十卷並章懷太

子撰

唐孝經章句

東宮故事

見前孔穎達

唐孝德後傳

郎餘令傳孝敬皇帝在東宮餘令以梁元帝有孝德

傳更撰孝德後傳數十篇獻太子太子嗟重之藝

文志孝子後傳三十卷

唐搃山玉彩

孝敬皇帝

弘

傳高宗顯慶四年加元服命賓客許敬

宗右庶子許圜師中書侍郎上官儀等即文思殿摘

采古今文章號搃山玉彩凡五百篇書奏賜物二百

段餘臣賜有差藝文志類書許敬宗搃山玉彩五

萬曆丁亥年

監生葉正昇刊

百卷

一作瑤山玉彩
龍朔元年撰

唐諭善箴

韋承慶傳為太子司議郎儀鳳中進諭善箴太子頗

嘉納

唐翼善記

褚無量傳元宗為太子拜無量國子司業兼侍讀無

量撰翼善記以進厚被禮答景雲元年太子釋奠國學令

講經建端立義博敏而辯錫予蕃渥進銀青光祿大

夫無量碑云所撰儲君翼善二十篇帝下要覽二

十二卷帝王紀錄三卷

東宮故事

唐養德傳

太子重俊傳右庶子平正謹獻孝經義養德等傳

志傳記類卷七

唐瑤山往則 維城前軌

志儒家裴光庭瑤山往則舊史作瑤山往則維城

前軌各一卷裴光庭傳為侍中弘文館學士造瑤

山往則維城前軌二篇獻之明皇手詔褒美詔皇太

子諸王於光順門見光庭謝所以規諷意瑤山撰述

會要開元十九年十二月十一日侍中裴光庭上

瑤山往則維城前軌各一卷上以賜太子及慶王舊紀

嘉靖癸丑年

補刊
十二月戊戌光庭上各一卷
上今賜太子諸王各一本

山海經大荒西經西海之外有搖山其上有人曰太子長琴顓帝生老童老童生祝融祝融生太子長琴是處搖山始作樂風注此山多搖木因名神異經東明山有宮有銀榜曰天地長男之宮

唐開元訓誡

實錄開元二十五年八月甲子帝作開元訓誡六篇

開元御集誠子書即此書也示諸王其旨蓋明君臣父子之義齋

祭稼穡之事宰臣請宣布中外手詔曰周公戒伯禽無以魯國驕人朕方聖雖慚敢忘戒子聊示庭訓何

東宮故事

一月甲辰改今名有皇城使會要云掌皇城管鑰木

契親從親事官名籍冰井務隸焉分房四設吏十

有九及命婦朝會須冰幹辦官本三人熙寧元年十一月一日以

七員掌宮城出入禁令慶曆八年臣僚上言皇城司在

內最為煩劇祖宗任為耳目之寄近年自數倍多並

不選擇乞止差四員選經歷有心力沉厚之人嘉祐五

年十二月詳定宮殿皇城門關防條貫政和六年十

一月詔嘉王楷提舉皇城司中興會要提舉官一

提點二幹辦五紹興元年二月詔行在禁衛所改為

皇城司三年正月二十六日造入殿門圓號千以黃

嘉靖丙辰年監生徐元巨刊

入宮門方號八千。以緋入皇城門圓號三千。以緋紹
興十三年八月錢愐除太尉提舉皇城司引見司提
點一員幹辦三員以閤門官充掌禁衛軍入見之事
宿趨材於中壘嚴藻衛於上蘭法鉤陳壁壘之文森
玉陛千將之衛宮隅七雉實護中宸飭人門而共法
駕比夕柝以危宸闈。唐親衛城門即張方平曰國
初循周制置諸班直屬殿前司親從官屬皇城司其
宿衛之法殿外則相間設廬更為防制殿內則專用
親從為親兵。親從親事官五指揮每歲換給勅號
政和七年正月十八日置五指揮并中興皇城司親
班直親事官增額二千五百餘人。

兵制

圖三卷唐開成初判太常卿事王起撰自開闢至唐
以五運為序起字舉之。

唐教本書

元稹撰見前

唐太子諸王訓

藝文志儒家丁公著太子諸王訓十卷。憲宗時
公著為太子諸王侍讀著太子諸王訓十篇

唐玉契

見符節類

唐贊道賦

萬曆丁亥年

三

二

監生葉正昇刊

李百藥傳正觀四年為右庶子作贊道賦以諷政
 要正觀五年李百藥為右庶子作贊道賦曰顧三善
 而必弘祗四德而為行每趨庭而聞禮常問寢而資
 敬邁觀喬而望槿既彫且琢温故知新唯忠與敬曰
 孝與仁則下光四海上燭三辰昔三王之教子兼四
 時以齒學將交發於中外乃先之以禮樂惟聖上之
 慈愛訓義方於至道同論政於漢幄修致戒於京師
 鄙韓子之所賜重經術而為寶自禮賢於秋實足歸
 道於春卿異洞簫之娛侍殊飛蓋之緣情太宗遣使
 謂曰所作賦述古來儲貳事以戒太子甚典要朕選

東宮故事

鄉輔弼正為此事大稱所委因賜廢馬一絲三百
 左庶子于志寧撰諫苑二十卷諷之

太平御國戒子篇

實錄郭贇傳兼皇子侍讀興國三年遷右補闕一日
 太宗至東宮出戒子篇命贇注解且令委曲講說以
 諭諸王

至道朝元殿冊太子 天禧天安殿冊太

子

見冊禮類 有唐太極之舊規至道朝元之故章黃
 慶設仗眠元會之盛儀麟集克定奏明安之雅樂

至道東宮官

天禧

昭興

王友

至道元年八月二辰以開封丑壽王為太子九月丁

卯朝元殿行無禮以楊徽之畢士安兼左右庶子喬

惟岳楊孺兼左右諭德夏侯彥兼中舍李至李沆兼

賓客詔太子見賓客如師傅禮常降階見必跪

謝上曰太子仁孝賢明賴正人輔

之以道卿等盡心調護動由禮則贊成事未嘗則力

言勿因循順從也祥符九年正月壬申張士遜崔

遵度為壽春王友勅令張復相王所賜犀帶緡錢七

言詩寵之又賜遵度金紫王將授經擇書德方

王友士遜遵度為記室天禧二年八月庚戌樂黃目兼

議參軍晏殊為記室

左庶子士遜兼右庶子崔遵度魯宗道兼左右諭德

晏殊兼舍人壬子參政李迪密學王曉兼賓客黃日

南以七遜兼左庶子四年八月庚寅士遜為賓客辛卯

宗道左諭德馮元右諭德九月壬子又以林特兼賓

客十一月輔臣言東朝設官未備請以執政大臣兼

官寮申羽翼之助戊辰參政任中正王曾樞副錢惟

庚午遂以宰臣丁謂兼少師馮拯兼少傅樞密使曹

利用兼少保先是七月丙寅李迪為相進兼治平三

少傅此宰臣兼官寮之始也

為翊善記室上曰府屬王皆受拜朕欲令尊禮師友

相見各拜故以王友命之天禧二年進封昇王以

萬曆十六年

年十二月壬寅立太子韓維邵亢兼左右庶子甲辰王陶蔡抗除詹事元豐七年上諭輔臣曰明年建儲當以司馬光呂公著為師保政和五年二月十四日

乙巳立太子強淵明劉炳為賓客七年李彌大兼舍人

紹興三十一年五月甲子立太子六月己巳張闡為

右諭德史浩為右庶子乾道元年八月九日建儲詹

事則蔣芾魏杞左庶子兼侍讀則知柔左諭德兼侍

講則大猷二年八月任文薦以左庶子兼侍讀七年

二月光宗升儲三月王十朋陳良翰詹事李彥穎侍

講左諭德劉季裴侍講八年周操詹事林光朝侍讀

儲官

九年尤袤侍讀開禧三年十一月戊子建儲祭酒戴

溪兼太子侍讀十二月起居郎陳希點兼侍講十二

月辛酉右相錢象祖兼少傅明年命二相左兼少師

右兼少傅越明年右兼少師

天禧元年陳靖上言願延揖公台充備師傅庶左右

周儲賴旦奠之耆德羽翼漢嗣躡園綺之高蹤

至道皇太子謁太廟

至道元年九月二十七日皇太子謁太廟導從如式

天禧二年九月十四日癸酉皇太子朝謁太廟冠服

如受冊乘金輅設仗如儀三師三少乘車文武宮臣

乘馬導從禮畢賜從官酒食日左右有赤黃珥黃雲
 捧日觀者塞路瞻仰欣抃十三日朝謁天禧舊儀無
 升殿逐室行禮之文政和四年詔逐室行禮乘車以
 三師訓導三少訓從至道天禧故事乘輅用鹵簿以
 雷文一角螭代龍飾政和止依常儀乘馬皇太子不
 敢當盛儀故也乾道亦免乘輅設仗

至道南衙

太祖以儲位寓於京尹太宗自尹踐阼至道元年八
 月十八日立壽王為太子詔兼判開封府宣和七年
 十二月二十日詔太子除開封牧賜碾玉龍束帶乾

儲官故事

道七年四月二十七日甲子詔太子領臨安府尹

祥符資善堂

詳見堂類

大中祥符八年十二月制授皇子慶國公忠正軍節

度使壽春郡王九年丙辰二月十八日甲午詔元符

觀皇太子就學新堂宜以資善為名因製記天禧二

年正月上詣元符觀宴宗室于資善堂次日宴羣臣

從官于資善堂召壽春郡王府屬咸預焉出聖製資

善堂記其年二月制行江寧尹進封昇王二年八月

甲辰立為皇太子作元良歲七言十韻詩各一首賜

太子又作七言詩二首賜庶子賓客以下先是祥符

七年十二月詔左承天祥符門內新建觀宣以元符
為名蓋緣每歲天慶節左承天門設幄陳供為道場
以享駕往來喧雜命置皇城司驛宇為觀至是建堂
天禧四年徙於宣祐門內東廊以北講筵所亦在焉
祥符九年張士遜請以聖製資善堂記刻石堂壁
從之仁宗皇祐元年七月壬子幸資善堂作詩有
曰壽日學文親政地仰懷慈訓倍依依

祥符繼照堂

見後

天禧親賢進封賦 冠禮賦

官故事

天禧二年

戊午歲

二月丁卯壽春郡王進封昇王

先是祥符

七年甲寅歲二月丁未封慶國公八年十二月辛卯封壽春郡王

晏殊作親賢進封

賦曰燕襟啓兆熊夢開祥分暉日域稟秀星潢陪漢
幄以遵禮奉堯闈而中式寢門屢至足見於純誠吏
牘遙觀蓋彰乎敏識接申白以談經越應劉而振藻
云云乙酉李虛巳丁度等以昇邸進封並上詩頌詔

獎之

祥符八年十二月戊寅皇子加冠禮戊子集

賢校理晏殊上皇子冠禮賦曰闢崇賢而毓德御宣
猷而待賓東明之銀榜彌高西海之瑤山特峻

見冕服類

萬曆丁亥年

五海百九卷

十一

御文 三百七十四

天禧元良述 六藝箴 承華要略 勸

學吟

天禧二年八月甲辰制立昇王為皇太子癸丑上作元良箴七言十韻詩各一首賜之又作七言詩二首分賜賓客庶子以下三年九月二十三日丙子召近臣宗室于清景殿內出御製賜皇太子元良述六藝箴各一卷承華要略十卷授時要錄十二卷正說五十篇十卷又以國史兩朝實錄太宗御集緯術秘書經史子集及前後御集并御覽羣書賜太子命從臣徧閱之又作七言十韻詩賜宰相寇準等遂宴于殿

東宮故事

足宣布 志小訖家開元御集誠子書一卷

唐賜太子仁孝詩

唐 天寶八載元宗製仁孝詩六章札於步障以賜太子令中官以示朝臣宰相林甫奏曰伏見太子生日撰仁孝詩障子并書爰於誕育之日授以仁孝之經望具寫六章頒示中外編諸史策傳之不朽上手詔從之蕭宗為太子時先是開元二十六年六月九日生於東宮別殿開元十三年三月甲午徙封忠王

唐龍樓箴

歸登傳父子為侍讀侍順宗於東宮及即位登復為

萬曆丁亥年

三母本一五九

監生葉正昇刊

皇太子諸王侍讀獻龍樓箴以諷一本云正元二年正月順宗即位登以東宮恩起拜給事中工部侍郎復為皇太子諸王侍讀元和四年十月庚寅冊太子癸巳登克侍讀

唐五位圖 詩笏

王起傳文宗上文好古學是時鄭覃以經述進起以

淳朴顯大和七年八月庚寅冊太子制皇太子侍讀委中書門下精擇二人起為太

子侍讀帝使廣五位圖俾太子知古今治亂帝數訪

建時政題詩太子笏以賜起詔畫像便殿號當世仲

尼其寵待如此唐藝文志有王氏五位圖十卷又

有五運圖蓋編年書也中興館閣書目云王氏五位

東宮故事

家咸存指趣遺編舊史悉載盛衰溫故而知新近思而切問皎如冰鑑可驗於否臧炳若丹青可占於隆替至於書數之藝文翰之工足助才能常資講習此勤學之要也其於愛民恤下當事寬仁御眾治繁宜遵簡易體仁而及遠崇信而致誠自然令問允昭嘉謨尅廣兼四術之益播三善之風云云 范仲淹有皇儲資聖頌

天禧大禮稱慶合班圖

三年十一月九日辛酉閣門太常禮院上大禮稱慶合班圖皇太子位在宰相上太子懇辭冠準等面

萬曆丁亥年

三母百七

監生于良翰刊

陳儲副之重不能謙抑凡再請乃許十六日戊辰南郊儀仗使錢惟演言正陽門習儀皇太子之樓上御座之西却繳扇至太廟門下馬步進至郊壇延望墻外即下馬謙恭之志實遵聖訓昔亘榮以儲宮專精博學謂之國家福祐書于史冊詔獎皇太子宣付史館天禧故事皇太子稱令受冊畢別日正衙稱謝凡慶會上壽押百寮於外殿在三公之上乾道元年朝會合班東壁押班宰臣前行立班起居賜宴於宰臣前行坐車駕行幸於駕後方圍子內行馬七年三月二十五日特御紫宸殿引皇太子稱謝設仗百官詣宮

賀至道天禧故事朝位在三恪之下王公之上宴則上壽於崇德殿

康定少陽嘉範

元年九月四日丙辰大理丞王縝獻少陽嘉範十卷詔送史館

慶曆青宮懿典

國史志類事王純臣青宮懿典十五卷慶曆中進詔藏秘閣

嘉祐皇子位伴讀說書

祥符九年二月入內供奉官楊懷玉為壽春郡王伴讀嘉祐六年十月壬辰英宗為泰州防禦使知宗正寺癸巳諸王宮侍講王獵為宗正寺伴讀獵為官僚十三

年有輔導功。七年八月己卯立為皇子。辛巳上悉召
宗室入宮。諭以立皇子之意。壬午詔於橫門外建皇
子位。癸未賜名庚寅。請以內香藥庫西偏為皇子位。
壬辰以皇城辛卯李受為皇子伴讀。王獵為說書。辛
丑皇子入內甲辰見上于清居殿。自是日再朝于內
東門。或入侍禁中。九月乙巳朔封鉅鹿郡公。十一月
戊辰皇子徙入位。壬申禮院閣門定皇子立班於宗
室之前。別為一班。殿門候班。閣子在使相之下。仁宗
策建大本雖禹之知啓六年英宗即位。皇子為光國
文之立武不能踰也五月王陶為皇子位伴讀。周孟陽孫思恭為說
公。神五月王陶為皇子位伴讀。周孟陽孫思恭為說

儲官

書。孟陽辭司馬光請多置皇子官屬。博選有學行之

士。日與皇子居處。燕游講論道義。聳善抑惡。輔成懿

德。紹興三十二年八月十六日置皇子位。說書以

命何備陳良祐唐堯封。孝宗即位後嘉泰二年閏十二月

十五日宗子與談。授右內率府副率。為資善堂伴讀。

先是慶元六年四月十五日京鐘

唐柳晟年十二代宗養宮中。使與太子諸王授學於

吳大瓘并子通元。率十日輒上所學。徐齊聃善文

誥。令侍太子諸王屬文。李泌供奉東宮。真廟使

蔡伯希侍仁宗。周公輔成王使仁宗未出閣。擇宗

伯禽與之處

室子幼悟而年相若者使與游處召濮安懿王置禁中旦莫誦讀仁宗封壽春郡王命雲韶樂送歸邸

治平封皇子

嘉祐八年十二月乙亥皇子淮陽郡王出閣 治平元年六月己亥進封皇子淮陽郡王為潁王祁國公潁東陽王鄆國公顧左衛上將軍元豐五年八月壬子皇子封延安郡王政和四年二月二十七日皇長子行冠禮于文德殿紹興三十年二月甲戌手詔以普安郡王為皇子賜名丙子進封建王先是上諭大王除少保使相封真王俟正謝日賜玉帶

東宮故事

紹興資善堂翊善贊讀

直講說書

紹興五年六月建國公就傅朱震范冲為翊善贊讀

朝論以為極天下之選信王魏傅亦命近臣為之 寧皇在嘉邸

妙選宮僚黃裳兼翊善陳傅良兼贊讀以詩為壽皆

有諷諫王親書所上詩謝之開禧元年七月皇子初

封榮王戎監趙夢極兼贊讀三年三月禮侍史彌遠

兼翊善 直講宣和元年四月置開禧元年七月初

命鄒應龍又置說書以命張聲道

紹興東宮

三十二年五月二十 孝宗升儲始居東宮在麗正門

萬曆十六年

三

三

監生方萬崙

內詔討論宮室官屬儀物制度乾道七年二月二十八日癸丑光

宗升儲丁酉受冊孝宗語輔臣曰東宮不須剏建朕宮中

宮殿甚多宜撥移修立由是工役甚省四月庚午領

臨安尹淳熙二年夏始創射堂一為游藝之所五月

十四日詔稱圃中有榮觀玉淵清賞等堂鳳山樓皆

皇太子宮燕息之地也

乾道皇孫賜名

元年六月一日皇嫡孫生二十七日百僚表賀二年

六月九日封國公賜名五年十一月十二日恭王次

男賜名寧皇也

東宮故事

漢甘露三年成帝生甲觀畫堂為世適皇孫宣帝愛

之自名曰鶩唐正觀十七年十一月二十八日誕皇

孫宴宮僚于弘教門永淳元年二月戊午立皇太孫

一云三月十五日王方慶曰太子在而立太孫載籍未有晉永

寧齊永明有太孫官屬唐永淳欲置而止開元十四年十月代宗生三

日元宗臨澡之曰一日見三天子樂哉熙祖流聰

慧之稱建臨淮之國元仲表岐嶷之譽啓平原之封

綠車赤綬金璽銀券結慶璿源垂蔭霄極

淳熙東宮小學

紹興三十年孝宗為建王時光宗與莊文魏王就

萬曆十六年

三母六百三十九

三十一

監生方萬崙

傳以王十朋兼小學教授淳熙七年英國公未就傳
大理正王尚之乞選儒臣爲東宮小學教授上令討
論典故正月二十六日以正字楊輔兼皇太子宫小
學教授四月十五日右領軍衛將軍陳龜年以伴讀
皇孫孝經論語終篇遷秩十年五月三日詔增置小
學教授一員以何澹鄭錡同兼十二年四月二十四
日澹及羅點兼皇孫平陽郡王府教授

淳熙議事堂

詳見堂類

十四年十一月己亥詔太子參決庶務遠稽正觀決
庶務於承華近法天禧見輔臣於資善明年正月乙

東宮故事

已又詔朝殿令侍立

唐正觀二十一年五月壬辰命百官決事于太子二
十三年三月命聽政于金液門龍朔三年十月辛巳
詔太子五日一至光順門監諸司奏事小事決之

慶元資善堂小學

六年四月十五日始置資善堂小學教授以命蕭達
龔頤正時諱館十一月九日詔宗子曠就資善堂授
書舊制資善堂有兩善等若皇孫則爲

嘉定東宮規箴

元年八月二十二日觀文殿學士彥逾乞令東宮講

續官以古今歷代帝王治亂事迹編成一書分十門
曰畏天愛民法祖宗聖孝用賢能遠小人勤儉聽言
明賞罰謹邊防每事擇其下以東宮規鑒為名從之
續書目二十卷詔官僚曾喚等九人采摭經傳格
言帝王懿範釐為十門隨事解釋

政和五年葛勝仲兼右諭德以仁孝學三言各著一
論獻之復採春秋戰國以來歷代太子善惡成敗之
迹日進數事既久遂成一書號承華詔媿云

嘉定御書居仁堂

寧宗朝

景定東宮講堂名新益御書二字

嘉定資善堂會議

九年四月甲寅詔宰執日赴資善堂會議遇朝參令
皇太子侍立宰輔兼師傅賓客用天禧故事天禧故事
每繪職短太子秉笏南面而立中書樞密以本司事

景定皇太子進聖訓

五年十月進七冊上表曰家有嚴君訓誡敷於皇極
謀詒翼子德早毓於青宮宜作宋之一經以繼周之
百世緝為寶帙冒道玉旒臣竊惟五星聚奎式符建
隆乾德之創造三聖一道有開祥符天禧之文明遵
太子論教之規植千歲治安之業記頒資善要舉承

華中之頌述之諄勤重以裁詩之懇切形於聖製寵
有御書迨及承平之盛時著為非常之鉅典於皇今
日益大前猷茲蓋泰遇皇帝陛下聖敬日躋聰明時
又有典有則昭昭禹子之貽制事制心汲汲湯昆之
裕語進德則親師講學論治國則脩身齊家六經四
子具有階梯五常百行莫先孝弟以至視聽言動戒
於非禮逸樂遊畋貴於毋皇事事存心言言切己寓
在帝王筆舌無非經籍陶鈞臣佩服不忘珍儲甚富
拜卷嘗加於編集萬年足示於鑑觀歷龜吉以紓忱
昭龍顏而奉表道知君父式同教世子之篇攝錫人

民莫匪叙彛倫之效二十日降付秘書省收掌

尚書大傳太子年十八曰孟侯孟侯者於四方諸侯
來朝迎於郊者問其所不知也問人民之所好惡土
地所生山川所有無及父在時皆知之鄭元注十八
嚮入大學為成人傳問庶事

韓詩外傳自唐虞已

上經傳無天子稱號夏殷雖傳嗣其文畧矣至周始
見文王世子之制

禹有典則貽厥子孫文有不謨啓佑後人 文王世
子主於教世子而國之士亦及焉王制主於教造士

嘉靖丙辰年

而王太子王子亦預焉。嗜魚不進求玦莫從。有王
褒之獻箴無下蘭之奉賦。搖山益峻少海增深。有
翦桐之戲則隨事箴規。違持養之方則應時諫止。
開望苑以延賓。賦洞簫而虞侍。進異端事浮靡。南
陽辨牘銅龍避道。居肅成而講藝。開博望以招賢。
賈誼治安之策言忠而道踈。義府承華之箴言切
而心詐。元稹教本之書言華而要寡。用智囊為家令
則輔之非其人。開博望延賓客則處之非其地。崇
賢有館司議有郎。典書有坊。且尊儒。

言故事

徐陵

肅成通甲觀承華啓畫堂

江摠

重輪依紫

極前耀奉丹霄

虞世南

乾象開層宇離明啓少陽

凌周誦掩漢莊珠璧連霄漢萬物仰重光

韓王元嘉

前星涵瑞采洊雷揚遠聲三善傳樂正百行紀司

成

劉孝威

帝體麗明儀辰作貳君彼東朝金昭玉

粹

顏延年

業隆三善道兼四學繼明承序于以

顯守祧之貴廟趨郊見于以彰率禮之教授經齒學

所以崇道義之則安車金璽所以異車服之等易

述主器之義書紀元良之重前星少海之象著乎穹

厚撫軍監國之任備于出處敏足以對長安之日

智足以辨陳留之牘 波澄少海景麗前星
上當天意下應人心雖夏邦建啓周朝立誦不之及
也

玉海卷第一百二十九

東宮故事

